



Pleno Tribunal Electoral Durango Muwe yu Constitución Política del Estado Libre y Soberano de Durango tsié kaniereti yu artículo 141 metá tsiere artículo 132, numeral 1, apartado C, fracción XV, yu Ley de Instituciones y Procedimientos Electorales Durango kwieyaritsié mihekiá;

## PA'INIWA

Kepai mitihiawarieni ke'ane Defensoría Pública Electoral del Tribunal Electoral Durango Muwe Hixié miyekeniki, 'ipai katinihawarieniiki:

### KEPAI TI HAWARIENI

**MATIARI. Ketiuruwame metá kereutere.** 'Iki 'inierika panayemié mitahekiareki ke'ane Defensoría Pública Electoral del Tribunal Electoral del Estado de Durango hixie miyekeniki, haika witaritari katineterimiki, kaniyu'iniatamiki kepaika mitahiawarienitsié, xika 'aixi tiu'uximayata kaniyiweni miyeweyani tawari haika witari.

'Iki Defensoría Pública Electoral del Tribunal Electoral del Estado de Durango kanayeimiki tinitsame 'aixi tiyuruwame yunaime kehate haweri memitexeyarie wahepaitsita kawawiyati ta tsia ri memihiki:

- I. 'Ukari;
- II. Teiteri, kiekari mukumane, meri kiekatari memitamatsié;
- III. Teiteri tixai mitiwareuyehiwá ta tsia ri memika'ikiniwawe ya memikaniuwawe;
- IV. Teiteri 'amemuyumate, 'ukirawetsixi ukarawetsixi;
- V. Teiteri yaxeikiá memuyunake;
- VI. Teiteri xaitsié kiekatari memayeixia 'ena Mékiku memuxia;
- VII. Temari metá 'imarixi.

**HUTARIEKA. Tita reuyewetsé.** Xapate memayu'uitiwa wahepaitsita 'iki katinihikiti:

- I. Mékiku pekiekemetini heitserie pexeyani metá 'acredencial kimana pemuvotaruwaxime 'a'ikiya mawere pexeyani.
- II. Xika xeitewiyari heimana 'atahaika witari teiki me'utiya pexeyani kepaika pemitahiawarienitsié;
- III. Pematiwani 'aixi petikamieni pekanutahiyaweni hawai pekayewekaitini xei witaritari;
- IV. Título pexeyani Licenciado en Derecho kewa pemayetiá mieme haika witaritari kanutiyeiwakaku pemuhuritarietsié;
- V. Hawaii pekareta'uximayatawani, metá pekarepareweweni xeime partido político hepaitsita haika witari kia me'ukayinetsié.
- VI. Ya pehaiti kename perakumate kepai rayu'uximayata kehate haweri memitexeyarie wahepaitsita metá tsiere materia electoraltsié timieme;
- VII. Hawaii pekahekunamariyaria kiekari hepaitsita pemitu'uximayakaki;
- VIII. Ya pera'eriwati kename evaluación pewewiyarieni mematssetimaniki kepemituyemate.

**HAIRIEKA. Xapate mireuyewetsé.** Ke hate memuyu'uitiatiwe xika tita mirayu'iwawa nai metexeyani, xapa mekanayehiniyakuni hutame tsiere mekaniyetuakuni yufirma meumanaxiame miki formato pekanikaxeyiamiki página internetsié: <https://tengo.gob.mx/>.

Tsiere miki formato kanetunika 'iki 'axapate:

- En original y copia legible:

- I. 'Axapa pemutinuixatsié mieme (acta de nacimiento);
- II. 'AINE ya tini 'acédula profesional, tsiere kaniyiweni pasaporte;
- III. RFC xapa mayemié 'itsikame hetsia pemitu'akutuaya
- IV. Xapa kewa pemekiekame 'ayemieme kaniyiweni (recibo de luz ya tini pexeyani 'akwié xapayari, tsiere xika ha ki peti'akutuayani);
- V. Xapa 'aye'uxame kename hawai cárcel pekahayewekai miki Tribunal Superior de Justicia pekanita'iwauimiki (hekware huta metseri kareutewime);
- VI. Xapa ya haineme kename peti'ata'ikitia (Título ya tini 'acédula profesional);
- VII. Xapa 'aye'uxame kename perati'uximayatarime haweri memitexeyarie wahepaitsita metá tsiere materia electoral.

'Iki ta original xeikiá:

- I. Currículum tita peti'ata'ikitia kepemirati'uximayatarime;
- II. CURP;
- III. 'A'ikiya tamaño credencial yeume; metá
- IV. Xapa pepita'utiani Tribunal Electoral del Estado de Durango hetsié mieme miki payemié internetsié <https://tedgo.gob.mx/>, ya pehaiti kename pekatiku'itawa 'ahetsié mieme;
- V. 'Aixi peti kamieti pematiwati;
- VI. Hawaii pekareta'uximayataweti 'akiekaritsié xeime partido político hetsié mieme haika witari kia meukayine.
- VII. Hawaii pekahekunamariyaria pemitu'uximayakaki 'itsikame hetsié mieme; metá
- VIII. Ya pera'eriwati kename evaluación pewewiyarieni ya petikamieti tsiere kemaineni Sala Colegiada del Tribunal Electoral del Estado de Durango.

**NAURIEKA. Kepai metehapanieni.** Yunaiti keyupaimeti memayuka'utia clave mekanitapairitariemiki mikiki yuregistro mekaniyeweyakakuni, miki clave kananun'ariemiki correotsié mayemié formato de registrotsié.

'Ena 'iki procesotsié ta tsia ri xemanuyehapanienitsié yeme matsi mekanihaitiaka teiteri haweri memitexeyarie 'aku memaxaxatsiwa matiaritsié 'iki 'inierikatsié.

Ke'ayepaime 'iki 'inierika:

**Panuyutini'ani 'iki 'inierika.** 'Iki 'inierika panuyutini'ani internetsié, estrados, metá tsiere redes sociales página meixeyatsié Tribunal Electoral del Estado de Durango, kepaika manayetuiyanitsié 'utiniereme 16 de septiembre de 2024.

**Memuyuti'utiani.** Mepuyuti'utiani metá xapate mepiteyutani kepaimeiti mirawawiwa hairiekatsié mika'uxa 'iki 'inierikatsié, kanayeimiki Tribunal Electoral del

Estado de Durango muwetsié Avenida 20 de Noviembre, número 1601 oriente, código postal 34000, colonia Nueva Vizcaya, Durango, Durango.

Iki memuyuti'utianiki metá xapate memiteyutani kanayeimiki 17 al 19 de septiembre de 2024 'upaikakaku 9:00 a 15:00 horas.

Ya memita'eriwaniki kename 'aku me'uhaitiarime haweri memitexeyarie heiwa xeikiá mekanitakwewiwakuni miki waparewieni Secretaria General de Acuerdos del Tribunal Electoral del Estado de Durango 'aku memayuka'utianiki metá yuxapate memiteyutani yikimana.

Heiwa xeikiá mepuhu xei tukari 'anukayayu ya mepitetahiawarieni xika waxapate 'aixi reuti'aneni ya xika tixai reuyewekani correo mekananuni'aiyariekuni.

**Xapate ti ixiariyani.** Ya timieti tukariki 20 'utiniereme 23 de septiembre de 2024, 'iki secretaria general de acuerdos del Tribunal Electoral del Estado de Durango, xapate katiniti'ixiarimiki 'aku xika tixai kareuyewekani xika raye'akani naiti 'iki 'inierika kemayetaine hutariekatsié metá hairieka mitika'uxa.

**Kehate memite'unakixi.** Naiti ri xapate tiyutixeyayu keyupaimeti memiteyutia secretaria general de acuerdos del Tribunal Electoral del Estado de Durango kanenutini'amiki clave memutapairitariarie kehate yuxapate raye'akame memiteyutia kemirawawiwa hutariekatsié metá hairieka 'iki 'inierikatsié.

'Iki lista mayuxaxata kananutini'ariemiki página de internetsié del Tribunal Electoral del Estado de Durango: <https://tedgo.gob.mx/>, yustrados metá tsiere redes sociales meixeyatsié 'iki Tribunal.

**Kemetakumate.** Yunaiti ri ke hate memite'aye'atia tita mirawawiwa metá xapate raye'akame memiyetua hipai mekateni'iwariiekuni.

**Titatsié meteyi'iwia.** Hikitsié mekaneniereti mewanarayehapani kehate memitenake:

Titatsié meteyuta'iwia	Kere'uhana
Tita peti'ataikitia (Licenciatura, especialidad, maestría ya tini doctorado)	Nauka puntuyari
Xika capacitación pexeyani materia electoral hetsié mieme, tsiere teiteri haweri memitexeyarie wahepaitsita (seminarios, congresos ya tini diplomados)	Haika puntuyari
Keperati'uximayatarime materia electoral hetsié mieme, metá tsiere teiteri haweri memitexeyarie wahepaitsita.	Haika puntuyari
Naiti ri	Tamamata puntuyari
Xika niuki xeime pe'utianikuni, ya xika memikaniuwawe pewa'enieka, tsiere memikahenieniere wa'utiarika pemateni	Pepimikieni xei puntuyari.

**Pepita'iwarieni.** Examen pepiwewiyarieni kepirakumate 'ana 24 de septiembre de 2024, 'upaikakaku 10 a 12 horas, Tribunal Electoral del Estado de Durango manuwetsié avenida 20 de Noviembre número 1601 oriente, código postal 34000, colonia Nueva Vizcaya, Durango, Durango.

'Iki 'examen mayuxaxata muyuwewienitsié kehate memayuka'utia, 15 minutos heuyewekakaku mekanikwewiwakakuni yucredencial me'uhurieti xika 'anutiyayu me'uxiani mekanikuxiniyakuni.

#### 'Iki 'examen katineuhanani 20 puntuyari

Pemitu'ata'ikitianiki 'akuxi 'etsamen pekawewiweti tita rayemieni 'etsamentsié pekanikaxeyiamiki página de internetsié del Tribunal Electoral <https://tedgo.gob.mx> 'iki 'inierika manuyutini'anitsié.

Iki katinayemiemiki:

1. Kewa ratiwiya 'iki Derecho Electoral;
2. Yaxeikiá tita tihiki Derecho Electoral;
3. Ke'epai rayu uximayata Derecho Electoral;
4. Kewa paiti heuye'atiká 'iki derecho electoral 'uximayatsikaya;
5. Kepaimexa yiwe pemitu'utaxaneta xika ya pekara'eriwani kemitiyukunitsa;
6. Kereuheitserie política hetsié mieme yaxeikiá ketiyeyixime 'itsikate memutihiawariwatsié;
7. Kepai tiyukunitsa metá ketiuyiwe xika tixai 'aixi karanayeneni;
8. Kewa payemié derechos-políticos teiteri haweri memitexeyarie wahepaitsita tsiere Kepai meteyuhiani.
9. Kepai mete'uximayaka kehate memite'uximaya materia electoral.

**'Iwaurika.** 'Iwaurika kanitixuawerimiki 'ahetsié timieme 'ana 25 y 26 de septiembre de 2024, sede muwetsié Tribunal Electoral del Estado de Durango avenida 20 de Noviembre número 1601 oriente, código postal 34000, colonia Nueva Vizcaya, Durango, Durango, 'upaikakaku 9 a 15 horas.

'Iki evaluación kaniyuwewimiki reglamento interno del tribunal electoral del Estado de Durangotsié kaniereti uartículotsié 103 kemaine:

Titatsié meteyu'iwia	Kereuhana
Kemirakumaiká xanetsika hepaitsita kemireita'utaweni	Haika puntuyari
Kemireutaxatawani, yeme niuki tirikarima 'uniukani tsiere tiuniximani 'aixi 'anemekí metá xeime wakaheukahati.	Huta puntuyari
Teiteri pewawimani 'aixi petiwaruhiaweni	Huta puntuyari
Perati 'uximayatarimani xeime wapekukahati 'axapekaremameteketi	Huta puntuyari
Teiteri petiwareutaxatiaweti petiwareuta'ikitaweti	Xei puntuyari
Naiti kereuhana	Tamamata puntuyari

**Tiyutixeyia naime metá kepai tiyunini.** 'Ari naime rayuxitiayu 'iki pleno del Tribunal Electoral del Estado de Durango kaneitixeyaxiamiki kepai puntos manayené tinaimetsié, ta tsia ri currículum, 'etsamen memuwewi metá entrevista memuwewiyarie 'iki naiti yuniti katinanayeneikani.

Titatsié meteyu'iwia	Kereuhana
Keperati'uximayatarime	Tamamata puntuyari
Kemiranayeneni evaluacióntsé	Xei tewiyari puntuyari
'Iwaurika muwewiyatsié	Tamamata puntuyari
Naiti ke reu hana	Huta tewiyari puntuyari

Xika hipati yaxeikiá mete'anayeneni kananuyehaniemiki ke'ane haweri memitexeyarietsié mayeweni.

Mana kaniereti 'iki pleno del Tribunal Electoral del Estado de Durango ya kanitayimiki ke'ane waiká punto manayehana miki 'ayaní Defensoría Pública Electoral hixie miyekení naimetsié aixi rana yene.

**AUXUWIRIEKA. Panuyutini'ani.** 26 de septiembre 2024 Secretaria General de Acuerdos del Tribunal Electoral del Estado de Durango kananutini'amiki ke'ane memute'unakixi yupágina de internetsié del Tribunal Electoral del Estado de Durango <https://tedgo.gob.mx> tsiere redes sociales, yaxeikiá wacorreotsié kananun'ariemiki yunaiti kehate memayuka'utia.

**ATAWEWIRIEKA. Ya mekata'eriwa.** Kehate memuyu'uitiatiwe xika ya mekata'eriwani kememite'anayené evaluación memuwewiyarietsié, 'utiarika mekanita'utiakuni ya haineme titatsié ya mekata'eriwa 'ana 27 de septiembre 2024.

Miki 'utiarika kaniyuyetamiki secretaria general de acuerdos del Tribunal Electoral del Estado de Durango mana raye'uxani titayari ya mekata'eriwa.

'Ukitsiema Tribunal Electoral del Estado de Durango mekanitixeyaxiamiki 'utiarika, metá tsiere ya metiyuani keti'aneni, kemitayini miki yuri kanayeimiki 'utiarika heyeme kayupataweti, tiyaneni 30 de septiembre 2024.

**'ATA HUTARIEKA. Wimarika metá yu'iniata witaritari kemireutere.** Yukatsutiani witaritari ke'ane Defensoría Pública Electoral hixie miyekení, metá tsiere ya pitayini kename yu'uximayatsika wima, ana 01 de octubre 2024, meyuxeirékaku 'awiekameki yunaiti 'ukitsiemama Tribunal Electoral Durango muwe.

**'ATA HAIKARIEKA. 'Ena mikarayemié.** Xika tixai ranayeneni 'ena mikatika'uxa miki pinini Tribunal Electoral del Estado de Durango.

**'ATA NAUKARIEKA. Yutani'axiani 'inierika.** 'Aku yunaiti memitetimaniki 'iki 'inierika hepaitsita kananuyutini'amiki página de internetsié, estrados metá redes sociales Tribunal Electoral del Estado de Durango meixeyatsié.

**TAMAAMATA. Wahetsié timieme.** Yunaiti kehate memayuka'utia 'iki 'inierikatsié tita memiteyutá yuhetsié timieme, ta tsia ri kemetetetewa kemete'uyemate, kepai mehitiká, miki kweriwakameki mepikumayiani, ya memita'eriwaniki kename temaikate mexuawe, kemeyumateti xika 'ukari ya tini 'ukitsi mehitikini ya haweri memitexeyarie wahetsia pirayewe naime miki titixeyia 'iki Tribunal Electoral del Estado de Durango metá tsiere secretaria general de acuerdos.

Naime 'ikitsié mayuxaxata ya pepira'eriwani kename mi ya 'ayumieme tiyukumayiani 'eki ta ya pera'eriwa 'ayumieme payuka'utia 'iki 'inierikatsié.

'Iki unidad de transparencia del Tribunal Electoral de Durango kanenutimiki naime 'iki pemituyetua 'ahetsié timieme. 'Ayumieme pa'iniwa 'eki pemeyeteriwaki 'iki 'inierikatsié timieme, ya pemira'eriwaniki kename Ley General de Protección de Datos Personales en Posesión de Sujetos Obligados tsie mekaneniereti meyiá miki kanayemieni internet tsie: [tedgo.gob.mx/documentos/Aviso\\_de\\_Privacidad\\_TEED.pdf](https://tedgo.gob.mx/documentos/Aviso_de_Privacidad_TEED.pdf)